

Adam beri kenyataan polis berhubung ugutan
MalaysiaKini.com
Disember 23,2011
S Pathmawathy & Patrick Boehler

Polis hari ini mengambil kenyataan Adam Adli Abdul Halim berhubung laporannya kepada polis, mendakwa dia dan keluarganya menerima ugutan selepas tindakannya menurunkan bendera Datuk Seri Najib Tun Razak baru-baru ini.

Polis mengambil masa kira-kira 90 minit untuk merakamkan kenyataan Adam pagi ini.

Adam (kiri) mendakwa dia dan keluarganya menerima ugutan sejak insiden dia menurunkan bendera Najib sewaktu satu demonstrasi menuntut kebebasan akademik di ibu pejabat Umno di PWTC hujung minggu lepas

NONEDia mendakwa pada hari Isnin, dia diserang di pintu masuk ibu pejabat polis Bukit Aman selepas menemui pegawai polis berhubung perkara itu.

Pelajar berusia 22 tahun itu enggan memohon maaf terhadap tindakannya itu, dan tetap dengan pandangannya bahawa tindakan itu akan menggagalkan tujuannya memprotes, antara lain, untuk memperjuangkan autonomi di institusi pengajian tinggi.

Sejurus selepas memberikan kenyataan beliau hari ini, seorang wakil UPSI menemuinya di luar balai polis dan menyerahkan notis memintanya menghadiri sesi pendengaran tatatertib.

Copyright © 1999-2011 Mkini Dotcom Sdn. Bhd
<http://www.malaysiakini.com/news/184873>